

Datum: 15.01.2016. godine

INTERNACIONALNI UNIVERZITET TRAVNIK U TRAVNIKU

Zapisnik sa I sjednice Foruma stakeholdera Internacionalnog univerziteta Travnik u Travniku

održane 15.01.2016. godine u Sali za sastanke na Internacionalnom univerzitetu Travnik u Travniku s početkom u 14:00h

Prisutni članovi Foruma stakeholdera:

- Prof. dr. Cariša Bešić, prorektor za nastavu i studentska, predstavnik rukovodstva IUT-a
- Prof. dr. Slobodan Stojadinović, prorektor za naučnoistraživački rad, predstavnik rukovodstva IUT-a,
- Jakub Omerdić, direktor Lašva Bus d.o.o.,
- Radoslav Lavrić, direktor Agrama d.d.
- Ivan Veličan, direktor J.P. Međunarodni aerodrome "Sarajevo" d.o.o.,
- Nešad Hotić, direktor Javne zdravstvene ustanove Univerzitetski klinički centar Tuzla
- Zoran Matošević, pomoćnik Ministrice za obrazovanje, nauku, kulturu i sport SBK,
- Sedžad Milanović, ministar Ministarstva privrede SBK,
- Hetka Skopljak, direktorica OŠ „Musa Ćazim Ćatić“, Trenica, Novi Travnik,
- Nedžada Tolja, direktorica OŠ „Edhem Mulabdić“, Opara, Novi Travnik,
- Nevzudin Buzadžija, direktor Mješovite srednje tehničke škole Travnik
- Zubejda Destanović, svršeni student IUT-a
- Mia Salkica, svršeni student IUT-a
- Gordana Erić-Bodiroža, studentica III ciklusa studija
- Almedina Hatarić, student II ciklusa studija
- Harun Rujanac, student I ciklusa studija
- Selma Otuzbir, zapisničar

Sjednicu otvara i vodi prof. dr. Cariša Bešić koji, nakon što je utvrdio broj prisutnih članova za rad Foruma i donošenje pravovaljanih odluka, predložio da se sjednica održi po sljedećem dnevnom redu i to:

1. Prezentacija značaja i saradnje Foruma stakeholdera i IUT-a;
2. Razmatranje Misije i Vizije IUT-a;
3. Tekuća pitanja

Obzirom da nije bilo primjedbi, dnevni red je jednoglasno usvojen.

Ad. 1. U prvoj tački dnevnog reda **Prof. dr. Cariša Bešić**, prorektor za nastavu i studentska pitanja je u ime Internacionalnog univerziteta Travnik u Travniku pozdravio sve prisutne, te se

zahvalio na odzivu i učestvovanju u radu sjednice. Na samom početku naglašena je važnost zajedničke saradnje, posebno u osiguravanju povratnih informacija o kvaliteti svršenih studenata koje poslodavci zapošljavaju u svoja preduzeća, kako bi Internacionalni univerzitet Travnik u Travniku mogao preduzeti neophodne mjere i uticati na kvalitet budućeg rada svršenih studenata IUT-a. Prof. dr. Cariša Bešić je kazao kako će Univerzitet, na osnovu informacija svih članova Foruma, dobiti podatke o zadovoljstvu poslodavaca o svršenim studentima, ocjenu stanja o trenutnim, srednjoročnim i dugoročnim mogućnostima zapošljavanja, te konkretne prijedloge za poboljšanje stanja u oblasti visokog obrazovanja.

Prorektor za nastavu i studentska pitanja, prof. dr. Bešić je svim prisutnim članovima Foruma prezentovao značaj saradnje sa "privredom", a koja je od značaja za predstojeću reakreditaciju Internacionalnog univerziteta Travnik u Travniku u cjelini, te ih pozvao da daju eventualne prijedloge, mjere poboljšanja razvoja i sugestije.

Prof. dr. Cariša Bešić je također predstavio i aktivnosti Internacionalnog univerziteta Travnik u Travniku u protekloj 2015., te planove razvoja u 2016. godini.

Gospodin Zoran Matošević, kao predstavnik Ministarstva za obrazovanje, nauku, kulturu i sport SBK, pohvalio je ideju formiranja ovog Foruma, te da se ovim Forumom približavamo načinu rada evropskih fakulteta i univerziteta, jer gotovo u svim evropskim zemljama u osiguravanju kvalitete rada su uvedeni i vanjski dionici kako bi univerziteti mogli pratiti i odgovoriti novim zahtjevima i svakodnevnim promjenama u društvu i privredi.

Ad. 2. U drugoj tački dnevnog reda razmatran je tekst Prijedloga Misije i Vizije IUT-a. Tekst Prijedloga Misije i Vizije svim članovima foruma je dostavljen kao materijal uz poziv za Sastanak. Svi članovi Foruma jednoglasno si iskazali pozitivno mišljenje o Viziji i Misiji Univerziteta, te o usklađenosti obrazovnih programa Univerziteta s vizijom i misijom. Svi članovi Foruma smatraju da je rad IUT-a usmjeren ka dobrobiti lokalne i šire zajednice, kroz konkretna ostvarenja visokoškolskog obrazovnog procesa koji se neprestano razvija i usavršava kroz integraciju i inovaciju, preko inspirativnih oblika širenja i aplikacija znanja i vještina, te da su diplomirani studenti IUT-a kvalitetna radna snaga i odgovaraju višestrukim potrebama zajednice i tržišta.

Mišljenje Foruma o Viziji i Viziji IUT-a će biti dostavljeno Senatu.

Ad.3. Tekuća pitanja

Ispred predstavnika poslovnog okruženja, preduzetnika, menadžera i drugih zaposlenih u velikim poslovnim sistemima, te malim i srednjim preduzećima, gospodin **Jakub Omerdić**, direktor „Lašva bus“ d.o.o. se obratio članovima Foruma i rekao da na određenim poljima već postoji dobra saradnja Internacionalnog univerziteta Travnik i preduzetnika, te istaknuo da je vrlo važna saradnja u vidu organizovanja posjeta akademskog osoblja i studenata svih fakulteta IUT-a preduzećima, proizvodnim pogonima, gradilištima, pravosudnim institucijama i slično. Svi prisutni članovi Foruma su podržali stav gospodina Jakuba Omerdića.

Nevzudin Buzadžija, direktor Mješovite srednje tehničke škole Travnik, je dao prijedlog da se izradi metodologiju praćenja zapošljivosti studenata koji su završili fakultet na IUT-u, da se studenti povežu s poslodavcima kroz portal namijenjen njihovom međusobnom informisanju i komunikaciji, te da se putem anketiranja provede ispitivanje poslodavaca o potrebnim kompetencijama svršenih studenata.

Nedžada Tolja, direktorica OŠ „Edhem Mulabdić“ Opara iz Novog Travnika kazala je kako je kvaliteta obrazovanja jedan od prioriteta i ključni strateški cilj evropske obrazovne politike, a saradnja različitih učesnika iz područja odgoja i obrazovanja predstavlja važan indikator kvalitete obrazovanja, te razvoj i podsticanje saradnje nastavnika i profesora, ali i šire zajednice, svakako je jedan od oblika podrške ostvarenju kvalitete obrazovanja i mehanizam za unapređivanje nacionalnih obrazovnih sistema.

Ministar Ministarstva privrede SBK, gospodin **Sedžad Milanović** je istaknuo značaj saradnje univerziteta sa svim članovima Foruma stakeholdera, rekavši da će Univerzitet, upravo na osnovu ovakve saradnje, biti u mogućnosti da brže odgovori savremenim promjenama u privredi, ali i opštem društvenom razvoju. Sve će to doprinijeti rastu privrede, jačanju socijalne kohezije, poboljšanju kvalifikacija i povećanju broja svršenih studenata na IUT-u, te povećanju konkurentnosti Internacionalnog univerziteta Travnik u BiH, regiji, Evropi, ali i svijetu.

Prof. dr. Cariša Bešić je također kazao kako studenti mogu uticati na osmišljavanje strategije razvoja Univerziteta, na profilisanje novih nastavnih planova i programa, pomagati u marketingu i samoj promociji Univerziteta, te pozvao aktuelne predstavnike studenata IUT-a na sva tri ciklusa i predstavnike svršenih studenata na saradnju i razmjenu informacija. „Moramo naglasiti važnost saradnje između Univerziteta i firmi u kojima rade naši svršeni studenti i to u smislu skretanja pozornosti potencijalnim poslodavcima na zapošljavanje budućih diplomanata IUT-a“, rekao je prof. Bešić.

Tokom sjednice razmijenjena su iskustva u praksi i dogovorena daljnja saradnja.

Sjednica je zaključen u 15:30 h.

Zapisničar

Predsjedavajući

Selma Otuzbir, dipl. iur./MA

Prof. dr. Cariša Bešić